



Broj:02-14-7526/18

Datum: 15.10.2018. godine

Na osnovu člana 39. Statuta općine Jajce („Službene novine općine Jajce“ br. 3/08), Odluke općinskog Vijeća o samozapošljavanju mladih na osnovu najbolje poslovne ideje br. 01-01-6-7251/15 od 26.11.2015 godine („Službene novine općine Jajce“ br. 6/15) i Ugovora br02-49-5339/18 koji je Općina Jajce sklopila sa Institutom za razvoj mladih KULT, Općinski načelnik objavljuje

JAVNI POZIV za finansiranje biznisa mladih

Program podrške mladima u razvoju biznisa ne predstavlja samo takmičenje između projekata za novi biznis nego je usmjeren ka poticaju mladih da sami osnivaju preduzeća ili obrt.

Organizaciju ovog programa vodi Općina Jajce na temelju ciljeva iz strateških dokumenata Općine Jajce. Ovim programom su definisane pojedinosti u smislu uslova za učešće na takmičenju, organizacije takmičenja i načina za odabir pobjedničkih ideja, kao i sklapanje ugovora za one koji odluče krenuti sa realizacijom dostavljenog poslovnog plana.

Ko može aplicirati?

Na konkursu mogu da učestvuju fizička lica, pojedinačno ili u grupi, koji se u momentu podnošenja prijave ne mogu okarakterisati kao poduzetnici/e iako su to nekada bili. Prijave mogu podnijeti punoljetne osobe do 35 godina starosti, sa prebivalištem na području općine Jajce, koje imaju interesantnu poslovnu ideju i žele je realizovati kroz započinjanje sopstvenog poslovnog poduhvata na području općine Jajce. Očekuje se i ohrabruje prijavljivanje i učešće timova u kojima je oko jedne poslovne ideje okupljeno više osoba. Šansa da poslovni plan bude realizovan, uz saglasnost podnosioca plana (u slučaju da podnosilac plana ne odluči ući u realizaciju biznis-plana), je veća ukoliko biznis plan bude imao sve relevantne i realne pokazatelje uspješnosti. Jedan Tim, odnosno samostalni podnosilac, može prijaviti više poslovnih planova. Ista osoba ne može biti član dva tima, niti istovremeno prijaviti ideju kao samostalni podnosilac i biti član jednog tima.

Prijave aplikacija koji su imali registrovan a zatim objavljen biznis u posljednje tri godine od objave ovog javnog poziva neće biti razmatrane. U razmatranje neće biti uzete ni prijave aplikacija koji su do sada koristili sredstva namijenjena samozapošljavanju iz Budžeta Općine Jajce.

Javni poziv je namjenjen podršci mladima od 18 do 35 starosti, te se prijave pojedinaca ili tima u kojem su osobe ispod ili iznad ove dobne granice neće uzimati u razmatranje. Nepotpune i neblagovremene prijave se neće uzeti u razmatranje.

Kakva ideja se može obraditi kroz biznis plan?

Ideja koja se prijavljuje mora se obraditi kao poslovni plan, ideje u svim djelatnostima osim trgovine, i ugostiteljstva (izuzev originalnih ideja vezanih za turizam i domaće proizvode) pod uslovom da se realizira na području općine Jajce. Zamišljenu poslovnu ideju treba pretočiti u poslovni plan prema originalnom obrascu prijave (u daljem tekstu Prijava, prilog broj 1) koji je sastavni dio ovog Javnog poziva. Odgovornost za originalnost poslovne ideje je isključivo na podnosiocu ideje.

Komisija će izvršiti vrednovanje poslovnih planova prema jedinstvenim kriterijima, a prednost će imati nezaposleni podnosioci planova kao i timski prijedlozi.

Prijava na javni poziv

Opći kriteriji javnog poziva:

1. Da kandidat pripada kategoriji mladih starosti do 35 godina i da ima prebivalište na teritoriji općine Jajce neprekidno 12 mjeseci prije objavljivanja ovog Javnog poziva (dokaz - Uvjerenje o prebivalištu – MUP SBK, Jajce)
2. Da se radi o nezaposlenoj osobi (dokaz – Uvjerenje biroa da se vodi kao nezaposlena osoba ili ovjerena izjava da kandidat nije zaposlen).
3. Ovjerena izjava da kandidat nije bio korisnik poticajnih sredstava iz oblasti samozapošljavanja iz budžeta općine Jajce i da će nakon odobrene poslovne ideje registrovati i razvijati biznis na području općine Jajce (dokaz – Izjava ovjerena u organu uprave općine Jajce)
4. Ovjerena izjava da aplikant u posljednje tri godine nije imao registrovan a zatim odjavljen biznis
5. Poslovni plan (obrazac prijave)
6. Biografija (CV) aplikanta

Napomena: Izjava iz tačke 3. i Obrazac poslovnog plana iz tačke 4. preuzeti lično u Službi Jedinice lokalnog razvoja općine Jajce ili sa web stranice općine Jajce www.opcina-jajce.ba

Kriteriji za ocjenu poslovnih planova ocjenjivat će se u odnosu na vrstu djelatnosti; ocjenu poslovne ideje i poslovnog plana; visinu i vrstu investicije, te inovativnost.

Kriteriji i mjerila

1. Kvalitet poslovnog plana (max. 150 bodova)
 - održivost biznisa
 - jasno definirani proizvodi i usluge
 - jasno definiran plan djelovanja
 - identificirani rizici
 - jasni pokazatelji prodaje i profita
 - iznos sredstava za realizaciju poslovne ideje
 - mogućnost dodatnog zapošljavanja
 - inovativnost poslovne ideje
2. Kvalitet prezentacije plana (max. 50 bodova)
 - uvjerljivost prezentacije
 - poznavanje poslovnog sektora

- uvjerljivost u odgovorima na postavljena pitanja

Bodovi po osnovu mjerila iz tačke 1. i 2. se zbrajaju – kumuliraju.

Visina bespovratnih sredstava po poslovnom planu može biti maksimalno do 15.000,00 KM.

Komisija za ocjenu poslovnih planova bit će imenovana od privrednika, uposlenih općine Jajce, predstavnika Udruženja sa područja općine Jajce koji se bave problematikom poduzetništva mladih i predstavnika Instituta za razvoj mladih KULT. Komisija će izvršiti vrednovanje poslovnih planova prema jedinstvenim kriterijima, a prednost će imati nezaposleni podnosioci planova kao i timski prijedlozi.

Prva faza

Javni poziv je otvoren od 15.10.2018.godine do 14.12.2018.godine, a prijem aplikacija će se vršiti svakim radnim danom od 08:00 do 15:00 sati.

Druga faza

Objava rezultata javnog poziva izvršit će se u roku od 30 dana od dana zatvaranja javnog poziva. U istom roku će se obaviti i razgovori sa aplikantima čiji poslovni planovi su ocjenjeni pozitivno (najmanje osvojenih 80 bodova) , nakon čega će se donijeti i konačna odluka o izboru.

Treća faza

Sklapanje ugovora sa podnosiocima zahtjeva u kojima će se definisati prava i obaveze Općine Jajce i podnosioca aplikacije. Aplikanti će biznis morati registrovati u roku od 90 dana po potpisivanju Ugovora. Ukoliko ne uspiju registrirati biznis u navedenom roku uzima se sljedeći aplikant sa liste prema broju bodova.

Tajnost i povjerljivost plana

Da bi se zaštitili svi podnosioci aplikacija i onemogućila zloupotreba povjerljivih informacija izloženih u poslovnim planovima, članovi Komisije za ocjenjivanje i zaposleni u Općini Jajce i druge osobe koje su uključene u realizaciju ovog Programa obavezuju se na zaštitu povjerljivosti i tajnost.

Podrška Općine Jajce

Jedinica lokalnog razvoja Općina Jajce će tokom javnog poziva osigurati školu poduzetništva za sve zainteresovane u pogledu popune obrazaca aplikacije i odgovoriti na sva dodatna pitanja ukoliko potencijalni kandidat ovog javnog poziva bude imao potrebe za stručnu pomoć.

O terminima škole poduzetništva za zainteresovane kandidate Jedinica lokalnog razvoja Općine Jajce će donijeti odluku naknadno u razumnom vremenskom periodu kako bi se svi učesnici mogli što kvalitetnije pripremiti za izradu poslovnog plana.

Druge edukacije će se održati prema iskazanom interesu.

Općina Jajce će osigurati za uspješno ocjenjene bisnis planove: dio troškova nabavke stalnih i obrtnih sredstava, troškove registracije firme, dio ili u cjelosti troškove

zakupnine prostora za obavljanja djelatnosti (ugovor ne može biti potpisan sa bližim srodnicima), te dio ili u cjelosti trošak zdravstvenog i penzijskog osiguranja u prvoj godini obavljanja djelatnosti za jednog ili više uposlenika (obaveza vlasnika da bude uposlen na puno radno vrijeme u registrovanoj djelatnosti za koju se daje podrška). Isplata dodjeljenih sredstava vrši se avansno.

Ugovori sa kandidatima koji budu na konačnoj listi uspješnih kandidata bit će potpisani nakon usvajanja ili donošenja Budžeta općine Jajce za 2019. godinu.

Ciljevi javnog poziva

Probuditi preduzetnički duh među mladima, motivisati početnike i kreativne pojedince sa inovativnim i provedivim poslovnim idejama, obuka o procesu stvaranja novih poslovnih mogućnosti, omogućiti mladim ljudima stvarno pokretanje vlastitog posla.

Rokovi i način prijave

Javni poziv ostaje otvoren 60 dana od dana objavljivanja javnog poziva na oglasnoj ploči općine Jajce.

Koverta mora biti zapečaćena i naslovljena na adresu:

Općina Jajce, Nikole Šopa bb, 70101 Jajce, sa naznakom: „**PRIJAVA NA JAVNI POZIV ZA SAMOZAPOSŁJAVANJE MLADIH NA OSNOVU NAJBOLJE POSLOVNE IDEJE**“ – NE OTVARATI.

Obrasci prijave mogu se preuzeti lično ili sa web stranice općine Jajce.

Dostavljeno:

1. Oglasna ploča
2. Službenik za informisanje javnosti
3. a/a

OPĆINSKI NAČELNIK

Edin Hozan